



Zaključci Centralnog odbora Sindikata Univerziteta u Sarajevu posle sastanka predstavnika Vlade Kantona Sarajevo i Sindikata Univerziteta u Sarajevu

Dana 07.02.2014 god. održan je sastanak predstavnika Vlade Kantona Sarajevo i Sindikata Univerziteta u Sarajevu na kojem je analizirana situacija nastala poslije odluke Sindikata Univerziteta u Sarajevu da pokrene proceduru za otpočinjanje štrajka na dan 17.02.2014 god.

Delegaciju Centralnog odbora Sindikata Univerziteta u Sarajevu su sačinjavali

1. Prof. dr Berko Zečević, predsjednik SUNSA
1. Docent dr Aleksandra Marjanović, sekretar Centralnog odbora SUNSA i
2. Prof. dr Abdulah Akšamović, član Centralnog odbora SUNSA

Delegaciju Vlade Kantona Sarajevo sačinjavali su:

- Premijer Vlade Kanton Sarajevo gosp. Suad Zeljković
- Ministar finansija gosp. Muhamed Kozadra
- Ministar zdravstva gosp. Eldin Lokmić
- Pomoćnik ministra za visoko obrazovanje gosp. Sifet Kukuruz

Poslije dužeg razgovora u atmosferi potpunog uvažavanja argumenat sagovornika, zaključeno je sljedeće:

- Odmah će se pristupiti izradi Kolektivnog ugovora između Vlade Kantona Sarajevo i Sindikata Univerziteta u Sarajevu o reguliranju osnovnih prava i obaveza zaposlenih na Univerzitetu u Sarajevu uz uvažavanje realnog ekonomskog i socijalnog stanja u našem društvu.
- Na sljedećoj sjednici Vlade Kantona Sarajevo će biti imenovan tim za pregovaranje u procesu izrade Kolektivnog ugovora između Vlade Kantona Sarajevo i Sindikata Univerziteta u Sarajevu.
- Podržan je prijedlog premijera Vlade Kantona Sarajevo gosp. Suada Zeljkovića, da sredstva u iznosu od 8.900.000,00 KM budu uvrštena u deficit Budžeta KS za 2013. godinu za izmirenje tranši visokom obrazovanju za dio novembra i decembra prošle godine.

Centralni odbor Sindikata Univerziteta u Sarajevu na današnjoj sjednici je jednoglasno zaključio sljedeće:

1. Utvrđivanje prijedloga Kolektivnog ugovora između Vlade Kantona Sarajevo i Sindikata Univerziteta u Sarajevu o reguliranju osnovnih prava i obaveza zaposlenih na Univerzitetu u Sarajevu treba da bude završena do kraja aprila 2014 god.
2. Potpisivanje Kolektivnog ugovora između Vlade Kantona Sarajevo i Sindikata Univerziteta u Sarajevu treba da bude izvršeno najdalje do kraja maja 2014 god.
3. Ako Vlada Kantona Sarajevo donese odluku o pristupanju pregovora sa Sindikatom Univerziteta u Sarajevu i imenuje tim za pregovore na sljedećoj sjednici Vlade, Centralni odbor SUNSA će prolongirati odluku o otpočinjanju štrajka sve do završetka pregovora oko definiranja i usvajanja Kolektivnog ugovora, a najdalje do početka juna 2014 god.

Sarajevo, 07.02.2014 god.

Predsjednik Sindikata Univerziteta u Sarajevu

Prof. Dr Berko Zečević